

Cyrkej: W Klětnom je stajnje němski kemš prjedy serbskeho, samo hdyž je serbska spowědź; tehdy dyrbja Serbja, kiž su k spowědźi byli, tak dołho hač je němski kemš, na serbski kemš čakać; ěi z Klětna a Jamnoho drje z wjetša mjez tym domoj du, ěi z druhich wsow pak do korčmow a hdžežkuli móža hewak čakać. Hač to k spomóženju serbskich dušow a k twarjenju křesćanstwa abo k podpěranju korčmarjow słuži, njech druzy rozsudža! Serbska spowědź pak poskića so kóždu 2. a němska kóždu 6. njedzelu. — Bě tajki porjad abo njeporjad hižo za fararja Nowaka I. wokoło 1850, a wot pozdžišich, kaž so zda, žadyn za nuzne měł njeje, jón přeměnić. — Poslědni farar Nowak II., rodź. z Rakec, wumrě kónc 1884, a tuž je tam zaso wakanca. Nakhwilne zastaranje wosyroćeneje wosady ma najskerje Wujezdźanski farar Ryćeř. Paćeřska wučba serbskich džěci bywa serbska. — Missionskich Póslow čita so w cyłej wosadze jeno 15.

Šula: 1. w Klětnom za wsy 1—7; džěci: 30 serb., 2 něm.; 1. wučer kantor Bjedrich Wylem Voigt, \* 16. okt. 1839 w Hbjelsku, wot 1864; 2. wuč. Werder, Němc ze Zhorjelca, nje- přećel Serbow, kaž je sam zjawnje prajił; 2. w Kryngelecach za 8—10 džěci, wšě serbske; wučer N. N. němski z Grodka; 3. w Hamorje: wuč. Barthel, rodź. Serb; šula steji w Hamorje pod Mužak. a słuša tuž pod lokalnu šulsku inspekciju Wochožanskeho farstwa. — W Klětnom je hakle wot 1882 druhi wučer němski, prjedy běchu přeco serbscy. Mjez tym zo tónle swoje džěci ani słowčka serbski njewučí, dokelž z cyła njemóže, rozwučuje z najmjeńša kantor Voigt, hdyž nuza honi, z pomocu serbskeje řeče a wučí nabožinu, katechismus, bibliske hrónčka a kěrlušer serbskim džěćom serbski, a we wyššej rjadowni so za tydžeń hodžinku ze serbskeje biblije čita. Njedziwajo na časte próstwy a skóržby staršich je so šulskim džěćom mjez sobu serbski řečeć a holičam w serbskej drasće do šule přińć kruće a pod khlóstanjom zakazało! — Šula ma dwaj wustawaj: 1. Wićaz-Lehmannowy, zo móhće 40 khude džěci darmo do šule khodzić; a 2. Polankowy, zo by so khudym džěćom k hodom Bože džěćo wobradžało. — W Hamorje wučer nič serbski njewučí, dokelž pječa trjeba njeje. — W Kryngelecach su wot 1878 do prostoserbskeje šule prostoněmskeju wučerjow (Greissner